



**BOSNA I HERCEGOVINA
FEDERACIJA BOSNE I HERCEGOVINE
FEDERALNI ZAVOD ZA STATISTIKU
SARAJEVO**

**METODOLOŠKA OBJAŠNENJA O
IZRADI PROCJENA BROJA STANOVNIKA**

PREDGOVOR

Statističko istraživanje o procjenama broja stanovnika Federacije Bosne i Hercegovine prikazuje statističke podatke o starosnoj i spolnoj strukturi stanovništva po kantonima i općinama Federacije Bosne i Hercegovine.

Federalni zavod za statistiku provodi istraživanje o procjenama broja stanovnika na osnovu Zakona o statistici u Federaciji Bosne i Hercegovine („Službene novine FBiH“, br. 63/03 i 9/09), godišnjeg Plana provođenja statističkih istraživanja od interesa za Federaciju Bosne i Hercegovine i četverogodišnjeg Programa provođenja statističkih istraživanja od interesa za Federaciju Bosne i Hercegovine.

Procjene broja stanovnika sredinom godine za Federaciju Bosne i Hercegovine zasnovane su na konačnim rezultatima Popisa stanovništva, domaćinstava i stanova u Bosni i Hercegovini 2013. godine.

Molimo korisnike da eventualne primjedbe ili korisne dopune ovog metodološkog uputstva dostave Federalnom zavodu za statistiku.

Sarajevo, 2017. godine

DIREKTOR

Doc. dr. Emir Kremić

SADRŽAJ

PREDGOVOR.....	3
1. Izvori podataka.....	5
2. Pravni osnov	5
3. Definicije i objašnjenja.....	5

1. Izvori podataka

Izvori podataka za procjenu broja stanovnika Federacije Bosne i Hercegovine su slijedeća istraživanja:

- Popis stanovništva 2013
- statistika rođenih
- statistika umrlih
- statistika migracija stanovništva

Podaci o rođenim prikupljaju se na Statističkom izvještaju o rođenju (obrazac DEM-1) za svaki upis u matičnu knjigu rođenih.

Podaci o umrlim prikupljaju se na Statističkom izvještaju o smrti (obrazac DEM-2) za svaki upis u matičnu knjigu umrlih.

Podaci o migraciji stanovništva temelje se na bazi podataka koja je preuzeta od IDDEEA-e (Agencija za identifikacijske dokumente, evidenciju i razmjenu podataka Bosne i Hercegovine).

2. Pravni osnov

Pravni osnov provođenja statističkog istraživanja o procjenama broja stanovnika je Zakon o statistici u Federaciji BiH ("Službene novine Federacije BiH" br. 63/03 i 9/09).

3. Definicije i objašnjenja

Procjene broja stanovnika za Federaciju Bosne i Hercegovine sa stanjem sredinom godine zasnivaju se na konačnim rezultatima Popisa stanovništva, domaćinstava i stanova u Bosni i Hercegovini 2013. godine.

Budući da se podaci Popisa odnose na tzv. kritični momenat Popisa tj. 30. septembar 2013. godine, a procjene broja stanovnika se odnose na sredinu godine podaci Popisa su preračunati na sredinu 2013. godine.

To je urađeno koristeći sljedeće podatke: konačni podaci Popisa 2013, broj živorođenih, umrlih i saldo migracija za period 01.07.2013. do 30.09.2013. godine.

Nakon što je broj stanovnika izračunat za sredinu 2013. godine (30.06.2013.), procjenjeni broj stanovnika za svaku narednu godinu računa se na osnovu prirodnog priraštaja i salda migracija stanovništva za relevantni period.

U Popisu 2013. godine po prvi put je za utvrđivanje ukupnog broja stanovništva primjenjen koncept „**uobičajenog stanovništva**“. Po ovom konceptu osoba se smatra stranovnikom onog mjesta u kojem sama (u slučaju samačkog domaćinstva) ili sa članovima svog domaćinstva provodi najveći dio svog vremena odnosno dnevno / noćni odmor, nezavisno od toga gdje ima prijavljeno prebivalište. Time su u ukupno stanovništvo određenog mjesta uključene osobe koje su u tom mjestu živjele neprekidno najmanje godinu dana prije kritičnog momenta popisa, kao i osobe koja su u tom momentu živjele kraće od 12 mjeseci s namjerom da u tom mjestu ostanu najmanje godinu dana.

Živorodenim djetetom smatra se svako dijete koje pri rođenju diše i pokazuje druge znakove života kao što su kucanje srca, pulsiranje pupčane vrpce i jasne pokrete voljnih mišića.

Umrli je svaka živorođena osoba kod koje je nastupio trajni prestanak svih vitalnih funkcija.

Prirodni priraštaj je razlika između broja živorođene djece i broja umrlih osoba.

Saldo migracija je razlika broja doseljenih i broja odseljenih stanovnika nekog područja.

Podaci prema **starosti** iskazuju se prema navršenim godinama života